

Fwenmbaj Yauzcuz Fuconh:

Gij Singrwenz Faedbiengz Daiq Miz Fungsug Dangdieg Naekna

富川瑶族蝴蝶歌:富有浓郁乡土气息的天籁之音

□ Dwng Lu Yinghswj



▲《Fwenmbaj》euciengq hap-rwenz gwnz hawfwen sam nyied sam.

▲《Fwenmbaj》euciengq hwnj gwnz daizheiq hung Cunghyangh Densidaiz.

▲Gyoengq bouxcoz Yauzcuz doq foux doq euciengq 《Fwenmbaj》.



▲Geij boux mehbaj doq daemj-rok doq euciengq 《Fwenmbaj》.



▲Canghfwen bienj yawj bonj sawfwen 《Fwenmbaj》.



▲Gyoengq mehmbwk Yauzcuz euciengq 《Fwenmbaj》.

Youq Fuconh Yauzcuz Swciyen, miz cungj fwen gvihauj singhab daih ngeih doh ndeu heuhguh fwenmbaj Yauzcuz, euciengq seiz fat ok gij sing haenx lumj gij sing ndei dingq duznnon saenqdoengh fajfwed fat ok nei, lingzdoengh gyaunde. Canghfwen youq guhhong gvaq saedceij roxnaeuz aeuyah baehaq gvaqciet angqhoh seiz euciengq, ok bak baenz fwen, sing fwen neuzned rwenzred, sekrwz ndei dingq, vunzlai cungj gig haengj dingq, cungj minzczuz yisuz daegbied boux ndeu ciengq vunzlai habhaeuj neix caemh yinx gij yisuzgyah ndaw guek rog guek, boux haenggyaez minzczuz yisuz caeuq gyoengq hekyouz seiqlengq bae yawjngonz dingq ciengq. Bi 2008, “fwenmbaj Yauzcuz” ndaej lied hauej guekgya gaep feihvuzciz vwnzva yizcanj mingzloeg.

Fwenmbaj Yauzcuz youq swcigih raeuz Fuconh, Cunghsanh song yienh caeuq Huznanz Gyangh-vaz Yauzcuz Swciyen nem gij dieg Yauzcuz comzyouq seiqhenz haenx riuzhengz, dwg vunzlai Yauzcuz

vwnzyoz gwnzbak ndawde aen bouh-faenh gyoebbaenz ndeu, ndawde euciengq ndaej ceiq goksad, ceiq ndei dingq haenx dwg Fuconh. Fuconh dieg youq gyang Byaduh-bangz, Byamungzcuh, dwg diuz roen-hung vwnzva Cunghyenz, vwnzva Cujgoz, vwnzva Yauzcuz hauej Ling-namz aeugvaq, Yenz, Mingz, Cingh gvaqdaeuq, Yauz, Gun, Cuengh daengj minzczuz vwnzva doxcaez iemqhaeuj, doxcaez yingjyangj, ciemhciemh gyoebbaenz le gij yaem, wenq ndaw-biengz lai yiengh daegbied Yauzcuz Fuconh, ndawde fwenmbaj baenz le gij fwen hauhbiu Yauzcuz Fuconh, vunzlai Yauzcuz baez roeb saeh'angq couh aeu euciengq fwenmbaj, aeu euciengq fwenmbaj daeuq ngaue-doeng naemjngeix, doxgyau ging-niemh.

Fwenmbaj youq gij fwenhab song singbous Yauzcuz ndawde, aeu cungj vahdeihfueng “Begvah dei-hfueng Vuzcouh” euciengq, neiyungz nangq daengz geiqsaeh, cienzcengz, caeqcoj, lwnh lizsij daengj gak aen fuengmienh ndaw guhhong gvaq saedceij vunzlai Yauzcuz, ndawde aeu fwenyous guhcawj, aenvih ndaw fwen cienzcienz miz “duz dih mbaj” “mbaj dih mbaj” “duz dih dinz” doengh gij cih dak neix, hawj hotfwen yienj ndaej haenqhwd vuetbued, diuhfwen gig miz danzsingq caiqlj seuqset gyaunde, hawj vunz miz cungj yaenqsiengq angqhoengh, cingzdoengh caiqlj hailangh ndeu.

Fwenmbaj faen baenz dinj raez song loih. Fwen dinj itbuen miz seiq coenz, coenz daih'it, ngeih, seiq cungj dwg caet cih, dawz yinhlaeng, coenz daihsam ciengz gya cih dak,

coenz dak; fwen raez cix dwg youq gwnz goekdaej fwen dinj bae hwngfat, couhdwg coenz daihsam de caih canghfwen seizbient rag raez, aeu daeuq hawj canghfwen lienh rag heiq raez, bak linx caeuq singhoz. Gyoengq canghfwen euciengq fwenmbaj aenvih ciengzgeiz lienh euciengq caeuq miz gij fuengfap daegbied lienh euciengq song sing-bouh haenx, mbangj canghfwen dai cibngeih, sam bi couh hainduj gapdoiq lienh euciengq, gyoengqde cungj miz gij bonjsaeh maenh'ak youq ciethoh doengjit seiz riengjret euciengq caemhcai euciengq coenz fwen cingcuj haenx. Boux canghfwen maenh'ak youq mwh euciengq gij fwen euciengq okdaeuq haenx rwenz-red ndei dingq, couh lumjbaenz bang dinz bang doq ndeu mbin gvaqbae nei, fat ok gij sing vunghvungh haenx, vunzlai couh daijbeij naeuz dwg “yaem duzdinz” “yaem langhraemx”.

Fwenmbaj cujyau dwg yienj-ciengq, mbouj miz gij doxgaiq yunghdawz dingh aeu haenx, gij cozbini miz daiqbiuj de dwg 《Beix-youx Roengzhaij Gou Roengzhaij》《Mbouj Eu Hot Fwen Hoj Gvaq Ngoenz》doenghgij neix.

Fwenmbaj ndawde daiq miz gij lizsij vwnzva gyaenanz Yauzcuz, dijdadej muzmaeq caeuq swncienz. Vih baujhoh caeuq swncienz fwenmbaj Yauzcuz, Fuconh gaenq youq Lenzsanh Cin Lenzdangz Cunh laebbaenz dieg goekdaej swncienz, gyarengz bae guh gij hong vatcimh, cingjeix, swncienz, hwngfat, gung-gang canghfwen bouxcoz, guh biujyienj hozdung, aeundaej cingzciik yienhda.



▲Bouxswncienz 《Fwenmbaj》doxcomz euciengq.